

LA PUNT



Infuormaziuns da la corporaziun evangelica Ardez - Ftan - Guarda



FAVRER, MARZ, AVRIGL 2024



Collecta annuala 2024

Il projects cha nus sustgnain ingon as rechattan illas muntognas da Peru e Bolivia. Fenomens meteorologics sco süttinas, dschetas e'l müdamaint dal clima diminuischan la racolta cun la consequenza cha bleras famiglias vivan in charestia. L'organisaziun *Mission 21* collavura cun organisaziuns localas chi sustegnan famiglias cun pitschnas paurarias. Quel agüd procura ch'ellas pon cultivar lur fuond in ün möd plü ecologic ed uschè avair chüra da l'ambient e ragiundscher daplü diversità e sgürezza a regard lur alimentaziun.

Il consistori e la pravenda ingrazchan a tuots e tuottas chi sustegnan ils projects partenaris da l'organisaziun *Mission 21* a favur da la suveranità alimentara illas regions da muntogna a Peru e Bolivia. Infuormaziuns plü detagliadas as chatta suot www.mission-21.org






Di mundial d'urazchun

dumengia, ils 3 da marz a las 16.45 illa baselgia catolica da Scuol

Il di mundial d'urazchun vain celebrà minch'on sün tuot il muond. La liturgia d'ingon cun ün passagi biblic our da la charta als Efesers e l'admoniziun ad uniun e charità: «Eu dumond: as cumportai l'ün l'oter in charità» (Ef 4,2), es gnüda preparada da duonnas cristianas da la Palestina. Illa baselgia catolica da Scuol vain celebrà ün cult divin cumünaivel pel di d'urazchun mundial, preschantà dad üna gruppa da duonnas insembel cun scolaras e scolars. Minchün es cordialmaing bainvgnü.



Di da schoppa ecumenic cumünaivel

dumengia, ils 17 da marz 2024 a las 11.10 illa baselgia da Guarda



Il cult divin ecumenic cun rav. Marianne Strub e rav. Christoph Willa sta in connex culla campagna ecumenica annuala da «HEKS» e «Fastenaktion» cul tema *Güstia pel clima – uossa!* l' center da la campagna da quist on sta il motto: **DAMAIN ES DAPLÜ – MINCHA SUSTEGN QUINTA!** Davo il cult divin es tuot invidà a la schoppa cumünaivla in chasa da scoula.

Confirmaziun, dumengia, ils 24 da marz 2024

Il cult divin festiv illa baselgia d'Ardez ha lö a las 9.30 ed a las 11.10 illa baselgia da Ftan




Dumengia da las Palmas, pro nus il di per la festa da confirmaziun, la conferma dal battaisem. A tuottas confirmandas ed a tuots confirmands givüschaina forza, curaschi e furtüna sün lur via da la vita.

Quist on vegnan confirmats/confirmadas:

a Ftan:

-  Giulia Bazzell
-  Jarno Beer
-  Béla Broermann
-  Anna Carpanetti
-  Enya Kientzler
-  Sienna Schucany
-  Svenja Stuppan
-  Lina Weber

ad Ardez:


-  Fabrizio Hässig
-  Simon Koller
-  Andri Thomas





Bunura da Pasqua

dumengia, ils 31 da marz a las 6.00 a Ftan



La bunura da Pasqua tradiziunala, chi'ns maina “**dal s-chür aint il cler**” celebra in quist on a **Ftan**. Il cult divin in baselgia sco eir suot tschêl avert cumainza la **bunura a las 6.00**.

Davo la predgia es tuot cordialmaing invidà a la culazchun cumünaivla da Pasqua in chasa da scoula.

Occurrenzas da noss progets

Maisas da giantar per tuots e tuottas d'Ardez e Guarda

Las prosmas maisas da giantar han lö i'l hotel Alvetera ad Ardez:

- *mardi, ils 6 da favrer*
- *mardi, ils 5 da marz*
- *mardi, ils 2 d'avrigl*



Annunzchas, fin il plü tard il di avant, piglia incunter Erna Fontana, 081 862 23 50.
Per giasts da Guarda vegn organisà il transport.

Il Sainin

venderdi, ils 16 da favrer e venderdi, ils 19 d'avrigl - da las 9.30 fin las 11.00



Il Sainin ha lö illa sala cumünala ad Ardez. Tuot ils uffants tanter 0 e 5 ons, accompagnats dad ün creschü, sun cordialmaing invidats da gnir a tadar ün'istorgia da la Bibla, da chantar, da giovar e da star da cumpagnia.

Per ulteriuras infuormaziuns as poja contactar a rav. Marianne Strub, 081 862 23 61

Ulteriuras occurrenzas a regard noss progets vegnan publicadas sün nossa pagina d'internet e sün placats.

Cinema baselgia

dumengia, ils 11 da favrer a las 17.00 illa baselgia da Ftan

I vegn muossà il film «**De Räuber Hotzenplotz**» (Il lader Barnabun).

L'amà muglin da café da la nona es gnü ingolà. Kasper e seis ami Seppel as mettan subit in tschercha dal muglin cha'l lader Hotzenplotz ha tut cun sai. Ma els rivan aint ils mans dal nausch striun Zwackelmann.

Rivan ils duos amis d'as salvar e portar inavo il muglin da café a la nona? Stat cul buonder e gnit a verer il film!

Dürada: 106 min. – Lingua: tudais-ch svizzer – Entrada: libra/collecta – Liber a partir da 7 ons





Referat «Jerusalem. Auf Umwegen» a Lavin

sonda, ils 17 da favrer a las 19.30 illa sala da gimnastica



Il referat raquinta dal peleginadi cha'l pader Johannes Schwarz ha fat cun chaminar fin Jerusalem ed inavo.

Sün seis viadi ha el fat 14'000 km, visità 26 pajais e dovrà perquai 15 mais. L'impreschiunant da quist peleginadi nu sun pero be las cifras, dimpersé eir ils bels inscunTERS cun la gliעד e cun sai svesch ch'el ha pudü passantar.

Concert classic ad Ardez

marcurdi, ils 17 d'avrigl a las 20.30 illa baselgia refuormada

L'ensemble «Adelaide Cello Trio» preschainta ün concert cun musica classica. Ils trais cellists Kurt Hess, John Benz ed André Duthoit s'inscuntran daspö il 2002 regularmaing in Europa, ingio ch'els dan concerts insembel e preschaintan ün program varià.



Radunanza generala 2024 ad Ardez



La radunanza generala 2024 da la corporaziun evangelica

Ardez-Ftan-Guarda ha lö in baselgia in **dumengia, ils 28 d'avrigl a las 11.00, davo il cult divin da las 10.00.**

L'invid e las tractandas vegnan publicadas a temp ütil.

Casualias in noss cumüns

Battaisems:

Ingüns

Nozzas:

Ingünas

Mortoris:

Christoffel Caprez-Nuotclà, 5.11.2023, Ftan

Anna Stupan-Thom, 15.11.2023, Ardez

Giovanna Bickel-Frigg, 19.11.23, Guarda

Ines Parolini-Cristoforetti, 11.12.2023, Ftan

Adressas

Pravenda

Dna. rav. Marianne Strub,

Chasa da pravenda, 7546 Ardez

081 862 23 61

marianne.strub@gr-ref.ch


Secretariat

Corporaziun evangelica Ardez-Ftan-Guarda

Secretariat, Arfusch 166, 7546 Ardez

081 860 34 10

secretariat.pravenda@bluewin.ch



www.ardez-reformiert.ch

